

PENCEGAHAN DADAH BERMULA DI RUMAH.

Anak-anak lelaki mahupun wanita kurang berminat untuk terlibat dengan penyalahgunaan dadah sekiranya memiliki ciri-ciri atau sifat-sifat berikut :

- Jalinan hubungan keluarga yang rapat dan mendapat perhatian daripada ibubapa dengan amalan disiplin yang konsisten.
- Adanya sikap saling mempercayai antara ibubapa dengan anak-anak.
- Bersikap positif dan mempunyai kebolehan untuk menyesuaikan diri dengan keadaan sekeliling serta percaya kepada diri sendiri untuk mengawal setiap perkara yang berlaku.
- Membesar dalam keadaan keluarga yang bebas dari penggunaan dadah dan rokok.
- Sokongan daripada keluarga yang sentiasa menyokong sesama ahlinya dan tidak bertoleransi dengan salahguna dadah.
- Anak-anak tidak mempunyai rakan-rakan yang menggunakan dadah dalam kehidupan mereka serta mempengaruhi ke arah penggunaan dadah.

Dalam memastikan anak-anak bebas dari dadah, keprihatinan, pengetahuan dan sikap ibubapa terhadap penyalahgunaan dadah merupakan faktor penting bagi membebaskan anak-anak agar tidak terjerumus dengan najis dadah. Pemerhatian oleh ibubapa di peringkat awal perkembangan bermula dari usia kanak-kanak lagi dapat membantu memupuk hubungan mesra dan saling percaya-mempercayai antara satu sama lain. Seterusnya peranan yang dilakukan itu akan menjadi tembok penghalang kepada anak-anak agar tidak mendekati dadah.

Oleh itu setiap ibubapa perlulah melengkapkan diri mereka dengan pengetahuan mengenai penyalahgunaan dadah supaya dapat membimbing anak-anak ke arah kehidupan yang harmoni dan produktif.